

## Mu pa Hingu ta Haga Matana Hi Moiri

Edisi I, No. 3/33  
Teks sumber: Kau Berharga di Mata Tuhan  
Penulis: Rini Koesdyanto  
Penerjemah: Daud Daki Bera  
Suara: Damaris

Shalom! Inna Ama, angu wua ana wini. Giki nouna..! ma kallungu kaddiya yana laddu? Napa mannigu ta atigu nyouwa nyiami kammi lii juakaya nama kallungu, abbi eidingu maha dukka. Mu pa hii'ngu ta haga matagu winna hi Moiri Yehu.

Ya nyouwa oa'li ku kukamaika bollugimi nama rangu ya. Katta ka hiluya na winina ta hurat bakkul nama einya ta Rattu Yesaya 43:4

*Oleh karena engkau berharga di mata-Ku dan mulia, dan Aku ini mengasihi engkau, maka Aku memberikan manusia sebagai gantimu, dan bangsa-bangsa sebagai ganti nyawamu.* Eingu hi..mu ta haga matagu jakka ku namu jellawu winna hi Moiri.

Hi Rattu Yesaya daku ta hurat bakkul na tikkiya napa awi panamunguna na Marabba Alla yannaga ta bangsa Israel. Na tikkiya dda tou Israel dukka tau tiddu'nguha ta hagana na Marabba Alla, adda pamalatunya na atida lakkadda ittakaya na deaha atina na Marabba Alla ta haga matadda. Pada hal yannaga adda engangu ta tana Mesir, adda jajaha jakka anna pa ataja tou Mesir, na Marabba Alla nama tuluja anna palouhuja. Tappi,,dukka tau tiddunguha ta hagana na Marabba Allah. Lakka tou houkadda danna hukkamaja ati na Marabba Alla, danna jaumaja. Tetap jella ana tuluja gataja, ana namuha a langa ana wiki'naja ana buahaja da tou Israel.

Ngalla dukkana napa tulihu ta hurat bakkul jiyaka na witi malaina na tou rara jaka na Marabb Alla. Na tuli huya ana peakadanya na witi morikuda, katta peanya napa awi panamunguna hi Moiri, katta akkul denganya hi Moiri nama pajajida ta pinnu tana.

Nyouwa ku rangu'ya, einya ha tou nama winni nama engana tama ta gallu, na peddanya na moriku mawilla. Nou namma ei juanya ta atina..."nyouwa na moirikugu da hillu ei'manguha gunnana, da hillu eimanguha hi..na na morikugu winna. Tikkina hinna ranguya napa tikkina na Ratu Yesaya weiga hina peddanya

hi Moiri ana pama rii'nanya na atina hina peanya a einya hi Moiri nama oalinya ana tulunya.

Aku ina amagimi, na lara morikuda jyata hea-heakaya napa liida. Na pata morikuna ha tou, dana hameara mangu na pata morikuna na tou hawanguku. Na pata moiriku tapa douda ata jaji nou'ngu, tapa raingu, pata morikudda da ina amada jia'ya nappa iddi waisa atta matua. Hita peanya napa aka'ngu, nappa hii'ngu ta oali touda, jiaya nappa kerida wali ta pata morikuda. Bei touna na deahana napa liina na morikumu, tapa raingumu ta haga oali toumu, ta ina amamu? Eingu ma hukragu ati, ta rongu umamu, dadda buaha tekkamagu da inna amamu? A eikanguka mahala ha wolumu, dukka bani pia-piadagu adda toalagu toma hinna hiddu na atimu.

Nyouwa ku pa newi ddenga juaja dalla keada mawini, keada moani dapa layagu ta gareja, adda tikiya namalara atida, witida da ina ama wikida, adda pa hiddu ddaja da atida. Dukka katoa'wi majallunguya na atina witina ana pa ana boaranya na ama wikkina. Hidda toma pama tua da hillu eimanguha hii..na na morikuda, jappa na ama wikina nama lalaya dan hillu taumanya hii..na.

Manga wali nouna hikku ha bayaja aku hamanudaja da katikuda, ku peddanya naha nga,hu matuana hi Moiri ana awija, ana aguja ana pa pijalu'daja daka toawi atidda, na poahi'dajja da wei matadda hi Moiri. Manga hi wiguja: "*abbu hou dingy, abbu hillu pamilladiya na atimu*". Einya hi Moiri nama namuwu, nama woagu hii..mu, eingu hii..mu ta haga matana hi Moiri". Hiku ha baya pangalaja toma hida pijjalu daka toawi atida weiga dala keada. Kollingu adda pijjaluka naka toawi atida, pea'danyaka a dukka pa hii'nguya na morikuda ta hagana hi Moiri, danna hillu wu ut maha na atida.

Aku ina amagimi, mai kata namuya napa awi panamunguna na Moirida na ma rabba Yehu ta moirikuda. Lakka giki mariahaku tou hou hingukada da doku jala daha woluda ta pinnu tana danna jaumagu ati. Napa joalaja da limana ana awi ana namuwu na poahi podahuguja da doku jalamu.

Einya nama winni Yahudi na patikkina ta hurat bakkul, hi Maria na ngarana ana jaji mawinni happu meara (pelacur). Omminya ta lihina na Marabba Yehu, ana ddoarananya na wihina wainanya minya narwastu nama dukka mahaluya na hii..na. na buriya na minya ana poddahu wainya loagina dukka weimataya ana

hou, ana ha wainya na Marabba yehu. Danna beti de'a maja hou lau da tou hawanguku taka dea'ngana ddama ngiki wainya, ddama ka mijukunya a langa ma wini hapu mearaya.

Ina ama, dukka hennanguya na atina ana taunya hii..na hi Marabba Yuhu. Pada hal da tou ha wanguku dukka hukkadanya ati, tapi nama rabba Yehu, nama duka biaha madiya dukka taunanya hii..na. apa ngadakanya nou hi Maria dukka ma nge'atuya anna hukku'kanyaka tou farisi (tou damma pa benarungu wikida ta hagana hi Moiri, ddama ngaku da eimangu halada, pada hal tou doku hala jelaha. Jiaya tou farisi daha widdangu). Napa rangu juagu nyouwa wali tapa dita, yannaga ta Yahudi, a eikanguka ma winni happu meara ka beana waidanya watu loddu ana mati. Jiaya hi Maria hi tatta-tattana ana mange'atu. Tapi na Marabba Yesus danna hukumanya, na dediku balinya hi Moiri ana taunya hii..na.

Laka giki noukana na pinnu tana ana pama na'uwu, a dana taugu hii..mu, nou na Marabba Yehu na tauguka hii..mu. dukka mahh'aludda ana woda hiida, na bayar'daka ana wainya na moirikuna ana mati dengada, na wainya na raa'na nama boa'ngu ta golgoata. Ga hi wiggu nongu? Nou hi Moiri nama dukka bia'ha madi'ya hina buah'ikangu pa mati. Witi panamu oata'nadda jiata tou rara, da'eimangu pa namu hea'kana. Jia'padda jiata pa reihi namuna walingu ngala dukkada daha woluna.

Amu woa'dinya kaloaga naha ngahu matuana ta atimu, kana papuligunya na morikumu, maka kamu itta'ya na morikumu nama dukka pa hii'nguya ta haga matana hi Moiri, jaka kana pa jajigu ana pa buaha oatana. Da limma'na daha wai wikkina ana woluwu laddu ya, na agu waiguja jaka ana tikkigunya " *Ou mupa hii'nguka ta haga matagu, aku anagu, ku bua'ha oatagu*" winna.

Na'kamaikagu hi Moiri kana pa jajigu wihi limana kamu pa tomananya na winina ta tou hawanguku, ta pinnu tana nama da hillu ei'ngu hii..na. nou kamu ka'ya naka nyuru ka'naggana kana pa teggahu'gunya na atimu nama langa ha dukka.

Mai dedikuja dda limma'mu katta ha bayangu. "Moiri Yehu nama ei'gu deaha tama jaga, mupa tetija dda ina amagu ngala dukkada dama rangu Moiri, ottuja ta hagamu kamu pa tegahu'daja daka toa'wi ati dapa milla dengadda. Da hiddu atida mu'paheapadaja waingu egi ati ddiata kokumu Moiri".

Nou aku ina amagimi, kammi ka'ya na wei maringu wei malala, kammi itta walli atinya napa awi panamuguna na Moirida na Marabba Yesus. Ku habayagimi kana waha balingu na atimu, tou'ngu napa lii..na weiga hi Maria Magdalena. Wai wukka Moiri Yehu walingu ta laddu ya, hei da ina amagu kadda pea'nya a dukka pa hii..nguha ta haga mataMu. Ta ngarana na Marabba Yesus Kristus amma ha bayangu, Amin!

Iana ama appa oali jajingu ngalla dukka bollumi, na pama ri...malalakada hi Moiri Yehu. Tomakangu...!!